

## Wien, Österreichische Nationalbibliothek (ÖNB), Cod. 11622

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars II. Wien 1794.

1885

## P O L E M I C I .

1886

fert, et inter Errorum Magistros etiam *Servetum*, *Blandratam*, *Ochinum* et *Franc. Davidis* commemorat. Nervosa est ad *Rudolphum* Imp. Peroratio.

II. fol. 53. Versio germanica hoc Titulo: *Libellus von den ketzerischen blüchern vnnd Schrifften, dieselben zu vermeiden vndt zu verwerffen aus lateynischer sprache verdeutschet vnnd geschrieben Durch den hochgelernten Hern Petrum Ilicinum beyder Rächten Doctor vndt Can. zu Ollomutz. Anno salutis 1577.* En igitur Συμβολην ad Scripta Viri mihi ignotam, dum de eo in *Hist. Typogr. Vien.* P. II. p. 481. commentarer, ubi nec illud mihi succurrit, inferendum Eum procul dubio illustri Stirpi Delciorum (*d'Elce, Ilex*) Senensium, quae in *Hetruria* etiamnum floret.

## CCCCLXXVIII.

<sup>631</sup> Codex chartaceus lat. germ. Sec. XVI. Folior. 180. 4. complectitur Sermones Sacros de praecipuis Temporum Controversiis a Gerardo Gemer Trevrensi, qui Ernesto Austriae Archiduci Rudolphi Imp. Fratri a. 1595. defuncto a Sacris fuit, e Scriptis et Concionibus, ut in Praef. dicitur, *Reuerendissimi Neapolitani Praefulis* in compendium redactos. Praefulem hunc non alium arbitror, quam *Melch. Kleselium Neostadiensis* in *Austria* Sedis primum Administratorem, dein Antifitem, virum in Seculi sui Historia notissimum.

Operam porro suam *Gerardus* dicat *Rudolpho* Imp. gravi Praeludio, in quo inter alia: *compendiaria via demonstratur primum vera Definitio nostræ coram Deo Iustificationis, fideique iustificantis; tum quæ sint istius testimonia nouæ ἔγινεα, nempe obedientia fidei et Sacramentorum religiosa usurpatio: circa quæ potissimum tota salutis acquirendæ doctrina versatur.* Atque haec Concionibus XXXV. absolvuntur, quarum XIV. de *Iustificatione*, II. de *Baptismo*, IV. de *Confirmatione*, IV. de *Poenitentia*, I. de *Eucharistia*, V. de *Liturgia* seu de *Missa*, I. de *Festo Corporis Christi*, cui subiecta Instructio de ratione communicandi sub una vel duplice Specie, IV. de ordinatoria *Manus impositione*; omnes vero Thema ex *Actis Apostolorum* mutuantur, egregiamque cum linguae Graecae, et sacrae Antiquitatis, tum novarum in Religione diffensionum cognitionem produnt. Quae germanice admixta sunt, procul dubio ad Epitatem *Gemerum* pertinent, de quo aliud nil compertum habeo.

## CCCCLXXIX.

Codex chartaceus lat. germ. <sup>632</sup> Sec. XVI. Folior. 178. 4. eosdem Sermones eadem nitida manu exaratos exhibet, eo solum discrimine, quod hic a *Gemero* inscribantur Domino suo *Ernesto* Archiduci. Lubet e fine Praefationis quaedam adtexere. Ut ergo